

復

堂

目

記

光緒丁亥六月

徐惟琨書

叢書集成續編

第二一八冊目錄

文學類



日記

復堂日記八卷(二)卷六至八	清	譚獻撰	半	一
復堂日記續錄一卷	清	譚獻撰	念劬廬	四一
復堂日記補錄二卷	清	譚獻撰	念劬廬	七一
尋花日記二卷	清	歸莊著	小石山房	一二七
錢竹汀日記一卷	清	錢大昕撰	藕香	一四七
五十日夢痕錄一卷	民	羅振玉撰	雪堂	一五七

勸世文

戒殺文一卷	明	黎遂球著	檀几	一七九
七勸口號一卷	清	張習孔著	檀几	一八三
戒賭文一卷	清	尤侗撰	昭代	一八九
廣惜字說一卷	清	張允祥著	檀几	一九五
增訂心相百二十善一卷	清	沈捷撰	昭代	一九九
戒淫錄一卷	清	姚廷傑撰	昭代	二〇七
寵姬解一卷	清	沈峻輯	屏廬	二一三
小雲棲放生錄一卷	清	釋與楷輯	武林掌故	二三七
冥報錄二卷	清	陸圻撰	說鈴	二四三
果報聞見錄一卷	清	楊式傳撰	說鈴	二六一

現果隨錄一卷	清	釋戒顯撰	說	鈴	二七七
陰陽文頌一卷	清	曹學詩撰	昭	代	三〇一
戒上文徵信錄二卷	清	劉鑑撰	有	福讀書	三一五
勸戒錄選十二卷	清	梁恭辰著	有	福讀書	三四五
慾海廻狂寶訓集說一卷	清	邵志琳輯	有	福讀書	六六七
好生救劫編五卷末一卷	清	常存敬畏齋主人輯	有	福讀書	六八一
婦女贊成禁止娶妾律之大會議一卷	清	不著撰人	香	豔	七二三
自由女請禁婚嫁陋俗稟稿一卷	清	不著撰人	香	豔	七二六

遊戲文

璇璣碎錦一卷	清	萬樹撰	昭	代	七二七
廋詞一卷	清	黃周星撰	昭	代	七五五
聯莊附聯騷一卷	清	張潮著	檀	几	七六九
擬合德諫飛燕書一卷	清	吳從先撰	香	豔	七七七
古今青白眼三卷	清	徐石麟輯	傳	硯齋	七八一
倣元遺山論詩絕句六十首	清	張晉撰	山	右	八〇九
問蘇小小鄭孝女秋瑾松風和尚何以同葬西冷橋試研究其命意所在一卷	清	招招舟子撰	香	豔	八一三
懼內供狀一卷	清	不著撰人	香	豔	八一六
戲擬青年上政府請弛禁早婚書一卷	清	不著撰人	香	豔	八一七
代某校書謝某狎客饋送局帳啓一卷	清	不著撰人	香	豔	八一八
春人賦一卷	民	易順鼎撰	香	豔	八一九

日記卷六

復堂類集之四

沈芸閣太守同年以活字本中西紀事見貽爲當塗夏燮
謙父撰沈憂耿耿憤發著書條理完密是非皆公所惜管
蠡一得篇尙無求賢之方刷恥之要如製船募兵之議茶
鹽提舉之法未必遂操勝算然傷心人別有懷抱斯文亦
若元氣也芸閣後序流涕而道恐折足之鼎所不願聞讀
旣卒唾壺盡缺矣意欲舉六策之言申之正之恐當今自
芸閣而外塞耳者多

正月二十五日冷攤買得後梁九龍廟述碑拓本首云梁
癸酉益爲友珪鳳厯元年末帝討逆仍稱乾化三年或號
令未徧故僅題甲子此碑諸家未見箸錄夏侯龜符文趙

日六

秦正書并篆額額未見前行官屬題名十一行書人名十
二行題九龍廟述四字十三行題撰文人名體例亦他碑
所未有文詞綺縟無體要書體略似李文墓志

自正月下旬至三月中校水經注卒業今年始合趙戴二
本校錄鄂刻官本之上蓋朱筆點記趙本黃筆點記孔刻
戴本也

水經注渭水篇趙戴二家讀定精審而後起者勝竊以爲
創獲尤難近人汪梅村用此例改定穀水至沅水而溫水
篇移正尤獮雖未必爲定論要爲子細讀書予皆錄入卷
端朱謀瑋箋爲是書敗剔榛枯東潛修飾潤色而分別經
注大有功于後來東原氏雖研討益精難易稍殊趙本先

成而晚出行世或戴氏所未見梁曜北段懋堂門戶之爭
可以存而不論觀朱箋刊誤則校讐蹤跡具在精勤豈讓
東原造車合轍或有是理第自中尉以來皆有他書改本
書之失竊謂原本之可通者當存其本來羣書之引經注
者尙博識而慎取之至他籍之言可存其說不可遽滅舊
跡也朱箋刊誤最繁是非何以大典所錄與諸家先後校
讐十同七八則不能使人無疑經注雜糅固是定論但如
今本經文未免太簡恐不成書當以質之來詒董方立水
經圖說殘本以墨書補錄數則附焉

日六

自杭州借高白叔藏歷代詩餘來排日閱之將以補詞綜
所未備如袁去華韓流竹垞所未見者具在予欲訂篋中
詞全本今年當首定之選言尤雅以比興爲本庶幾大廓
門庭高其牆宇

三月初陳鄂士寄意林校本至如獲珠船高仲瀛寄鴻雪
軒紀豔四種來閱之使輒紅膏夢廿年如昨日也儻恍久
之

校絕妙好詞往時評伯與近日所見義微不同蓋庚午至
今十三年矣

自四月下旬淫霖不已安慶六邑多被水潛山蛟發尤漫
濫毀城入市水高數丈死人如莽潛山令陳慎容涵川僅

以身免栖山岡三日不得食浮骸叢置蔽江而下暑雨怨
咨伐蛟典墜垂簪臨民上者若何怵惕以澹災卹遺黎耶
太湖懷甯宿松望江皆告災英山亦灌城數百里閒化魚
鼈者幾千人矣

後八家四六不知何人選刻于甬上張壽榮鞠齡序之八
家者皋文蓮裳仲瞿笠舫孟涂方立申耆金亞伯也予謂
皋文申耆不當入此集如甘亭山尊方彥聞沈西離姚梅
伯及近人顧祖香劉彥清王眉叔皆足名家似不能以八
家限也

陶子珍同年淮南許高二注異同詰四卷刻成寄將網羅
散失孱守慎言自是漢學家法予十二年前曾爲審定今

日六

刻跋語則不出予手當時有卷端隨筆數語已不復省記
矣

日本外史東國類纂前假仲瀛藏本讀過今滬上刻錢
繹子琴評本語未離時文批尾曰科賴襄讀中書有意規
摹左傳史記雖虎賁中郎似在前明王元美一流之上曰
本世卿氏族家政陪臣頗與春秋時勢相近易于學左氏
也島上片土動稱天下千里共主直曰天王一何可笑
閱方植之東樹書林揚觶持論近正然所舉皆漢學所主
而宋儒所未達于宋儒揚之恐不升于經生則抑之恐不
沈矯弊過中吾則曰漢學諸公在山過嶺亦有以召之
寫定復堂詞錄以唐五代爲前集一卷宋集七卷金元一

卷明一卷爲後集從歷代詩餘甄采補朱王二家詞綜所
無蓋十之二又從丁紹儀聽秋聲館詞話中鈔得明季錢
忠介張忠烈二詞如獲珠船子選詞之志亦二十餘年始
有定本去取之旨有敘入集

奉遣旌德句當輪舶至蕪湖遇長沙蔣徑秋垂白健談頗
拔俗至旅邸知胡履平廉訪內召宦海回瀾半載中與馬
佳方伯同此折旋塗中舟輿並進疲蘆短柳秋心黯然歸
舟有殘蟬殘電二絕句固有爲而言也

道中讀楚辭爲方展卿屈子正音本所定音協不爲礪論
覬正異文亦不畫一又讀六朝文絜所取亦當惟無一大
篇頗似明季人習氣許氏原槩精美傳本甚稀翻刻小冊

日六

幾不可識

皖南山行巖泉秀發艸樹嬋儷殆有靈栖或與凡隔將至
旌德一重一掩遙識黃山新安江上舊游如夢自旌德回
寓齋天君殊不泰然屢爲藩溷間想獨寢得無愧衾

桑根先生書來道杭州之游神往而傷和二絕云依然扶
杖問煙雨笠屐東坡誰寫真畱題姓氏雪色壁明日游人
疑古人殘荷早桂香復香采菱剝芡忙復忙騎竹兒童不
相識青天一鶴來錢塘

高叔遲寄汲古未刊改說文解字至蓋洪都轉新校刻都
轉已被譴出塞矣

彗星如匹練不分穗杪非帚形當啟明旉旣曙同沒蓋歷

數句去立冬五日雷電交作

楊思載寄其先公詠春先生遺墨楹聯一說文部目一分鬱乎如出少溫手足使山民御步可謂煥若神明者也

吏途錯迂書生蹇緩忽於歲晚檄權懷甯令局脊風塵中行法行意兩無所施以上壬午

與塾屋路岷山甫別七八年正月銓夕從邗江來下榻官齋胥疏樵悴而湖海之氣未除二月十日郭晚香同年至皖垂老握手舉杯談藝塵尾沒案亦不減少年金戟山人文集盈三寸尙未有定本又欲募刻叢書三十餘種晚香三日卽行山甫以二月十七日作鄂渚游矣

閱陳鈞堂大令同年郎潛紀聞三十卷蓋其官刑曹時所

日六

五

錄意在掌故之學

桐城張照蔡乙然撰畫母聯解足與朱豐芑聲母千文並傳家塾

春晚爲池上題襟之集代州馮笠尉桐城方柏堂祥符周涑人桐城方滌儕任邱邊卓存以疾不至者善化閻海姓當塗唐子愉綠陰如語白水可盟城堞參差廊階曠奧雨餘風日春服旣成酒半笑言古人如接亦一時風塵中清集

丁潛生觀察案頭見宋熙甯二年李沆書鄆州新田記拓本八分額秀絕似白石神君孫夫人二碑展玩不敢褻視不意得之唐以後也

鄭湛侯自黔入晉道出懷甯以遵義鄭珍子尹說文新附攷說文逸字二書見貽新附攷中有稿見足以推廓鈕書逸字二卷中如六書故太平御覽所引尙未可盡信暇當疏通證明之

常熟陸生作客天長縣廨年四十餘矣夜夢女子以丸藥餌之醒則鬢盡落兩乳忽聾人道縮男變爲女矣

閩駢文類苑姚梅伯選本已逸四十餘首遂覺駢體正宗八家四六外無多新篇惜謝夢漁續駢體正宗未行于世王孟高岑四唐人詩滬上新印巾箱仿宋本翔雅可喜塵容熱惱中誦一過如接古人如佳山水悠然忘俗吏之苦

日六

六

池上題襟館招管才叔胡稚楓鄒墨賓方宗屏邊卓存周涑人方雋叔爲迎秋之集瓜果筵開在萬綠陰中亂蟬聲裏投閒談藝說有觀空客散庭閒梧月散亂今夕盃八間七夕也

顧千里說文辨疑件繫不多語皆精確足爲嚴氏諍友閱徐廷華子楞詩集六卷詞一卷詩華實具情文生雅音也於其鄉足與陸紫封抗手陽湖武進誠才士林淵矣中宵獨醒起坐移時澹月窺窗光景幽絕官齋山寺可例視也一笑有悟

唐子愉以續溪汪時甫藕絲詞見貽清脫婉秀固是當行蓋王眉叔之友也

無爲州吳毓麒驊仙漱雲軒詩摘句五言野雲連水凍積
雪抱山明小橋流水岸明月故鄉船風勁作秋雨黃華滴
碎金千觴豪客酒一醉故鄉心七言磨到干將畱俠氣談
來劇孟快人情暮春絕句驕馬飛紅陌上塵一鞭花雨渡
芳津綠楊千樹鶯聲喚道是愁多莫送春落花絕句姹紫
嫣紅滿架新回頭猶憶舊風神上林別後春無主認得楊
花是故人吳生窮瘁年卅許耳子讀之悵觸無端題詞云
毛羽天高出異鷹延陵才子氣飛騰故人只共楊花語老
淚無端灑作冰

閱馬國翰竹吾玉函山房輯佚書緯類就古微書及喬氏
緯攷校之互有出入馬書喬勤恪未見又閱子部可廣意
林也

日六

七

碑客邵陽董引之以南漢地前拓本贈我行字順逆相間
亦一奇也檢李子長寄柳州廟殘字合裝兩粵石刻不多
南漢亦可附殘唐也

以上
癸未

榮成孫葆田佩南同年經生也部選宿松令文彙一卷清
深有條理可與道古私心喜過望矣風塵中忽得此共學
之友佩南有改定三遷記爲孟祠志刪正玉函山房漢人
經說重定漢學師承紀彙本

借湖海樓叢書校潛夫論一過懶粗未竟

借鄒雋之同舟至前江口待電線安設記廿年前與蔡子
鼎論我輩童幼時信局尙少軍興而後乃如林立以旅人

日多不安于家也不意今日電綫乃徧中國驛機關捷用
夷變夏無益實事徒亂人心以視信局豈非變本加厲者
乎

張樵野廉訪出精拓武梁祠畫象全本有汪孟慈何子貞
跋爲黃小松手拓題記精審可珤也

廉訪亾友謝韋庵有白香詞譜箋彙本綱羅亦富所託未
尊不能追厲箋絕妙好詞也屬予校正付刻

閱通鑑輯覽至北宋季年噶沓妄作不禁有殷鑒之嘆
甘劍侯以何子青遺文寄贈予所爲作哀二士文者也乍

閱之亦未經意熟復之事事言言皆實文光黝然有可入
文粹文鑑者論文論學不必刻深而皆有心得涂轍甚正

日六

八

使人穆然生敬

閏月七日施口移舟抵泊廬州之官合肥檣燕迎人耕夫
釋耒入國問俗仕宦當與禮義交修傳含有司友賢事仁
固不樂與陽鱉接也

閱嘉慶合肥志古今劇邑戰爭之世數爲邊疆要當以揮
霍開闢之氣御之未可尋行數墨然如束縛馳驟何哉

趙對澂野航小羅浮閣詞功力頗深心思婉密亦嘗染指
蘇辛不徒柔膩惟以兼治散曲聲味不無闢入韻雜律疏

未能多誦錄七首入篋中詞亦云識曲聽真矣族孫彥倫
懿士有雲無心軒遺彙詩律幽蒨琢句多姚合許渾家法

填詞不多亦錄一首

閱姚椿 國朝文錄多取說理之文氣茶詞繇不無皮傳
春木墨守桐城而方劉姚三家甄錄亦未盡當近時兩文
錄上高李祖陶囿于帖括姚選又郁于理障皆未鑒承學
之心也庶幾其文徵乎

定遠方子箴廉訪流寓合肥年七十雄于詩文二知齋文
集卅四卷隨筆生意稱心而言不立間架不屑斧藻立論
亦可信者多

陶孝遜編修同年以建甯甄拓本見寄云今年三月山陰
人掘蘭于古墓得之尚有雁足鐙螭枕皆爲人攜去孝遜
云以籍考之其地蓋有朱雋墓云

閱馮敬亭中允校邠廬抗議四十篇斷斷鑿鑿若可見諸

日六

九

施行而所言保舉裁官兩大端皆欲用鄉董天下事有三
代下必不可復古者如士大夫居鄉一涉用人行政鮮有
不亂

購得吳天璽紀功碑裝冊有張翰風跋云畢氏小玲隴山
館舊物也又泰山廿九字一紙二碑子舊藏六舟僧本神
完口清皆勝于此徒以二石久燬人間拓本有日少之勢
既遇于目直不甚高故重存篋衍以自豪並得太和廿三
年造象題名漫漶往往錯雜列書造像人姓名諦審之皆
閩姓有印記云光緒庚辰潞河張翼訪得于昌平州石佛
寺

閱林鑑堂開闢傳疑四卷開闢古事詳徵三墳林氏固曰

傳疑唐虞三代意主竹書而采獲羣籍不別真偽非徒古

文尙書也如宏明集所引周書異記近世虛造與子貢詩

傳申培詩說皆如秀之亂苗烏可不辨至其節寫舊文裁

篇入錄無傷著述之例然尙書周志今稱逸周書本不當芟所

芟又不知何義甚有句度疑似者穆天子傳今本具載盛

姬死事林云失去不識所據何本按東晉所記盛姬別

耳合寫又若大書分注立例不純既在證明何取重複此猶

其小失也予初見林氏書以爲于馬宛斯釋史如騶之靳

今究心其間馬書閎整超出尋初矣馬先生于國初尙以

閩百詩一言欲去偽古文書林氏當漢學大明羣儒輩出

乃猶依違俗學不離兔園海濱學士勤力而不明源流者

日六

十

歟紀年異同表後說武王克殷日記滅國五十考露鈔雪
纂吾服其勇

往年碑客以漢隸求售未審定也以爲洪氏隸釋中無極

山碑今付裝褫稽之翟文泉隸篇爲三公山神碑吳子苾

侍郎始得之元氏者從未著錄隸體渾穆篆勢初變者也

然則無極山碑固不可復見矣

玉函山房輯佚書湖南新刻巾箱本紙板不精孫佩南刪

定目錄索之未見寄糟粕獨居大半矣馬氏又自爲複

連不得謂爲抱殘守闕也偶出篋中張泉文易義別錄徐

璚詩經廣詁校之則玉函山房於近世經學家纂述之籍

多未對勘

行縣霜風砭肌下幃閉置自派河至三河隴畔叱犁屋頭
曬粉剝棉采菽人在幽風圖畫中然新麥已插晚禾猶黃
人事遲速不齊往往如此往來假鍾氏米肆小憩主人鍾
文斌夫婦同庚八十八四子十五孫六曾孫長者亦能屬
文矣老人耳目不廢不杖能行五里此福殆過人間富貴
也

校國語卒業國語自展卷欲校至今五六年矣甫以汪氏
明道本攷異騰入卷中也國語別行不當謂之外傳必出
左氏之前故爲春秋傳采獲或左氏得百國寶書提要爲
此書故世傳左邱失明厥有國語邪文字不出一手左氏
春秋傳亦不出一手姚惜抱疑爲吳起所述最多故獨詳

日六

士

魏事予觀左傳前後迴乎不侔雖曰文章變態而氣脈殊
別章句文質識識性情僖文以前爲一格成宣襄爲極變
昭定哀則靡矣

閱竹柏山房叢書春秋比事廿二卷卒業林氏合錄傳文
旁采不多大致可觀分卷卽違義例

閱續溪胡秉虔氏說文管見三卷其書不完所舉皆瑩瑩
大者非商量邃密者不能知其分量

徐學使以烏程張鑑春治西夏紀事本末彙本屬校將付
梓人此彙經汪剛木廣文審正必無多謬誤也

林春溥戰國紀年六卷閱畢跋云史記之采國策通鑒之
采史記多失本眞使情事不具首尾衡決年月淆失句合

參正有待後賢林氏好學而未能深思是編絕勝者正齊
梁遷就之年東西周王公之踳亂蘇張傳會之故實從約
先後之殊異亦可謂釐然矣而要刪舊文不暇誤審往往
失其曲折未盡其回復激射不獨本末交踳遂乃文采黯
然非善讀書者也纂述之旨在信竹書以合孟子所見最
正不可沒其苦心

國策多寓言不必盡求以事實國策論事多雙照使左右
無間隙故彼我之懷俱盡其言兵也遂與左氏殊軌有奇
而無正世變也者天人合者也

長沙王祭酒益吾選刻續古文辭類纂卅四卷閱一過往
年不樂五子八家之說故日記有談學術一篇未及桐城

日六

三

家數若以近世學人所見必以不佞爲倚撫星宿遺義娥
矣少交袁鳳桐敬民嚴事邵位西丈入都以後朱伯韓王
少奎孫琴西馮魯川諸先生皆附文游之末諸君固學宋
儒之學傳桐城之文子亦究心方姚二集私心有所折衷
不苟同亦不立異也王氏辨正近日張南皮書目答問古
文流派之失謂陽湖之文源出桐城並非二派與予論正
同此編主張楚才要之曾文正公不愧作者四方名人則
魯通甫得韓最深選之不盡其傳出於潘四農亦不可遺
之龍翰臣以古韻傳文事向不逮少奎何論伯韓彭尺木
秋士諸君溫恭篤雅文章統緒固當在此楚人之中獨推
曾文正爲作者正以其志在三通六書通漢宋之懷來洞

古今之正變文詞爾雅不事凌厲與其詩絕異竊謂曾公文勝於詩也偶于王氏選文發凡言之如此昨見楊彝珍性農選國朝古文正的亦主楚人互有得失

合肥王尙辰謙齋詩集七冊屬于審定訖謙齋早飲香名淮南文學有志節之士也與徐子苓毅甫齊名家世儒術銳意爲世用兵間與父育泉徵君號召鄉兵扶義禦寇廬州陷時尙從江忠烈助千楸之役也已而游諸帥戎幕勝保侍郎統師日遣說苗練降數年復畔廬州豪傑突起兜鍪貂蟬百十而贏謙齋以儒冠老故跌宕奇氣一寓于詩五十而後脫略公卿自附于曼倩之流知者猶以爲魯連先生也詩與毅甫皆學杜徐詩驚悍不參異己謙齋則蘇

日六

三

陸王孟時掇其勝近歲且慕高澹漸近自然毅甫沒無抗顏行者矣詩數千首落其實可誦者尙千餘篇

鄭湛侯蜀行日記有水經注意題詩還之
閱林鑑堂竹書紀年集證究心汲書不同影響之談孔孟世表審正雜說辨史記家語通鑑之失殊多確證第顏子生平孟子居喪齊人築辭數端終不免臆造

閱鄭珍子尹說文逸字二卷子知同小尹附錄二卷頗有金湯之固然唐人說字往往以字林爲說文雖陸氏釋文亦時有之要不能不別白

竹柏山房孔子世家補訂孟子列傳纂外書辨證采家語孔叢之失可言也信孟子外書則其蔽不可言也

褚書聖教序神如鸞鸞五德咸備百珎明珠不足方其光采字字尋其骨脈實亦融化篆分而天改自解不可方物與龍藏寺碑對勘乃知古人源流無不合又曰智過其師方能傳法也

林鑑堂博于聞而短于識勤恁簪書陳恭甫而後閩之學者未之或先也閱竹柏山房叢書卒業

北窗望雪浩平有山林之思閱吳門七子詩十四卷當以吳企晉爲冠琴德西莊升之皆不逮其清深有韻閣國朝六家詩六家皆無愧作者聲情骨幹予于荔裳有偏嗜焉閱吳陋軒詩冰雪中如見其人此刻載詩序獨闕漁洋一文閱江左三家詩足與唐宋名家抗手非虛聲也

日六

四

李萼華純齋寄固始蔣子瀟詩文集來淵茂確實經生之言盤拏倔強河洛間人物自異

閱後漢書諸經師傳家法盡然于春秋頗主張左氏言外可見

定遠方濬益子聽自日本來晤言東國新刻古籍有宋本公羊穀梁論語及玉篇原本殘卷以上甲申

除夕購南昌刻宋本十三經注疏元日整比之亦清課矣蔣子瀟詩門庭近韓而字句譎麗頗有出于長吉者雜文持論與章實齋相出入而眼膺定庵默深容甫不及章氏豈造車合轍邪抑避而不言也推崇東原則性習所近矣閱後漢書志至郊祀篇注中馬第伯封禪儀當非完篇漢

書王子侯表王氏讀書雜志補脫文皆當从之

溫理漢書章實齋言史記圖而神漢書方以智求之紀傳尙微求之表志自敘諸篇則顯矣

聞陶子珍去冬死于京邸著書仕宦皆廢中道二千里外屋梁顏色猶在夢中弟畜灌夫長此終古哀哉

張藹卿農部貽予陳蘭甫東塾讀書記讀之頗通漢宋之郵也學術倚伏之理至今日必有此家數蓋源流將自分而合矣精純處可謂擇言於墨經得西學之祖奇而礪病夫爲之距躍至于其辭大醇傾羣言之滌液溫如有餘非叫呶以揭櫫者也

正月之都會謁大府暮春行縣兩宿桃鎮人如磨螳游跡

日六

五

重尋老於征塗亦倦游耳興蓋往來何殊獨客更卒呵從尙不逮蠶蝶之趨其長也舍者爭席列禦寇天之人與甘劍侯主講六安書院寄鄧嶠筠督部雙研齋詞寫本來才氣韻度與周稚圭伯仲然而三事大夫憂生念亂竟似新亭之淚可以覘世變也

偶見潘四農駁議云通人一刺雲書蜿蜒有司校藝活東滿篇足爲不明隸變好作古字者下砭

閱駢文類苑十四卷廿四冊畢姚燮梅伯選纂凌雜不逮曾賓谷吳山尊本書又不完闕四十許篇郭晚香嘗寫示搜訪不知目錄中何以不列張壽榮刻此書先成張皋文樂蓮裳王仲瞿王笠舫劉孟涂董方立李申耆金亞伯諸

篇坊間遂以後八家單行予審定隨筆校正謬脫誠如落葉似未付校勘急于印行予就其中不愧八代高文唐以後所不能爲者僅十五篇目列後

紀昀四庫全書進表 胡天游擬一統志表 禹陵銘

胡浚論桑植土官書 陸鍾昭吳山伍公廟碑文

吳兆騫孫赤厓詩序 袁枚與蔣荅生書 汪中自序

漢上琴臺之銘 孔廣森戴氏遺書序 阮元葉氏

廬墓詩文序 張惠言黃山賦 七十家賦鈔序 孫

星衍防護昭陵之碑 樂鈞廣儉不至說

徐學使書來云三月間當塗陶入取土陷入古墓多見殉器弩機鎗塔分攜不可見有篆文碑碣僅一孟字可辨有

日六

示

司旋封土塞之未見拓本學使得斷駭一有鳳皇三三字當爲吳歸命侯時墓地當龍山或以爲孟嘉墓者傳會之詞

長夏赴長沙陸蘭生無爲吳驊仙合肥王緝甫王衡甫梁緝軒香花墩觀荷清集以予與謙齋爲客雲容下羃日氣如桴蕩花紅白香遠益清翠蓋擎涼碧蒲篩影青山一角危亭接空帆度城陰望與之遠文字之飲浪勝聆善諸子有詩中畫畫中詩不負此出郭尋幽也

閱孟晉齋集終以周列士傳爲不朽之言雜文明而未融骨堅而韻短者也詩篇不多亦成章而非逸響

讀唐駢體文鈔十七卷海甯陳均受笙簫南海譚宗浚伯

裕校刻所錄意趣峻整頗避甜熟而開合動盪之篇較少如燕公之姚相碑鄭亞之一品集敘以及滕閣序別敬業檄武均不著錄恐未足以壓眾目審定卒業尙擬取文粹與四六法海補一二十篇而刪卷中之樸遼拘攣鄙猥諸文以續駢體文鈔之後

唐文上選目

太宗封禪詔 王績與杜之松書 杜之松答王績書

王勃乾元殿頌 駱賓王與博昌父老書 崔融嵩

山啟母廟碑 張說西嶽大華山碑銘 路敬淳懷州

河內縣魏夫人祠碑銘 李華言醫 呂溫藥師如來

繡象贊 李德裕貽太和公主敕書 李商隱爲濮陽

日六

十七

公陳情表 梓州興道觀碑銘 司空圖成均諷 劉

昉文苑表 韋莊及名集序

讀國策取讀書雜誌校正訛本異同兩家各自成書同時並出不復逐寫鮑本更次處亦有義未必盡非卽姚本恐亦非子政之舊耳

校西夏紀事本末刻樣偶檢沈荏子敦落騷樓臺卷二有宋神宗用兵西夏論深咎將帥之不得人子謂從事西夏者韓范皆誤國之臣也何論其他趙氏一代武功最衰虛辭講學華辭飾治文法拘牽必至於此豈非百代之龜鑑用晚聞居士集補校潛夫論用張獻山舒藝室隨筆補校管子

閱大興劉位坦寬夫疊書龍遺詩二卷筆意沈著字句深重得力于韓專暢亦有近蘇者頗與蔣子漸近子敘之選定徐毅夫敦良吉齋詩集將與謙齋合刻鬱鬱莽莽刻意杜陵骨力意氣迥厚多而韻逸少子刺取其蒼秀跌宕之篇固江淮間一作者參張亨甫魯迥甫葉潤臣莫子偁季孟之間亦無愧色同時戴子瑞廣文詩未成家亦有生氣有真意也

周諫人寄湧喜齋叢書四集借觀潘尙書輯刻無巨編祕冊未足當拾遺補藝也閱竟記數則于後

沙南侯碑第三行辨爲孝廉苗邱烏埭長九字 張孝達詩注

荀子成相篇讀法三字句二四字句一三字句一四

日六

六

字句二三字句一通篇一律其不合者或衍或闕云 李

齊州 呂氏春秋先識覽辟遠箕子近姑與息尸子弃

黎老之言用姑息之謀說與小戴異 同上 左傳五年傳丙

之晨漢律麻志作丙子之晨 同上 說文畦田五十畝也圭

卽畦之省 同上 然畦从圭耳 偏是市僧喜通文偏是俗吏

喜勒碑偏是惡嫗喜念佛偏是書生喜談兵 貧賤時

少一攀援他日少一掣肘患難時少一請乞他日少一

疚心富貴時少一威福他日少一後悔 朱西生幽機尊

不當從莎音獻音憲讀如本字 獻案 矜从子从令爲矜

憐字先部矜从子从今爲棘矜字侵部兩字古今傳寫

誤佚其一 顏鑿由爲子路妻兄史記與孟子合彌子

之妻與子路之妻兄弟也一句讀 弁从火升聲故熊
从弁消聲 堯典僉曰益哉爲禹曰益哉之譌僉古文
禹誤作僉 夏小正二月雞桴粥傳云粥也者相粥之
時也當作桴粥也者相粥粥之時也 壁中古文有春
秋與說文敘合 季蘭尸之蘭卽季女之名 劉書年貴
易經說殘

竹汀先生日記不信羣書治要以爲僞作亦是有見
平津讀碑記首列吉日癸巳此小篆也安得穆王時有之
已遂作已尤可怪唐刻瘞琴銘多心經實出僞造筠軒亦
未別白也

張雷卿農部傳寫戴東原經考子借讀之條舉件繫多采

日六

五

宋元人之說案語與文集諸篇字句微有異同爲戴氏手
稟無疑然未及莊述祖氏五經小學述載籍足徵錄爲有
家法也攷洪素人東原先生行狀記有經說四卷疑卽是
書與粵雅堂所刻緒言三卷皆出孔段摭刻遺書之外戴
氏勇于著書勤恁不可及也

文獻徵存錄王菽原題名究未安不若從錢氏紀事之名
爲質實也

重九風日如春人意安善祓除愁病嘯侶登高乃有教弩
臺之集明教寺僧設伊蒲供客高臺舒嘯九日壺觴醉把
茱萸遙續龍山故事酒半題一聯贈通元僧云和上是唐
子歸來今日心如古井水居士早春夢醒十年浪作宦

游人

數年前合肥東郭有人掘地得古鏡謙齋得之以示予色
如綠玉紐旁十二辰外闌銘曰尙方作竟真夫巧上有仙
人不知老渴飲玉泉飢食棗浮游天下敖四海受敝金石
長保二親子孫篆文麗茂惟省筆太甚然決非後世仿造
也

宿中廟待月月出臨湖覽眺白石詞千頃翠瀾盪入勾臆
姥山中流一螺殆如浮玉望雋然宅矣

十月廿一日夜星隕如雨唐景龍四年劉幽求之言可畏
也次夕恆星尙搖搖不定此月望後太会有黑子而輪隅
破裂十八九夕蒙氣蔽虧月光一白中不見山河影星動

日六

辛

則民勞尤可惕息

賭基山莊文集七卷長樂謝章鋌枚如撰枚如故人又甲
子同年也不相見十三四年矣文集刻成自江右寄至文
不分體似以先後爲序亦雜有駢俪數篇枚如尙友東漢
而文則浩浩自寫匈貍不立間架論議真稿所謂放筆爲
直幹深可畏愛予未忘修飾愧對之也論十三經注疏阮
本不逮毛本所見甚正阮本殆骨董家當予亦云然論學
頗持漢宋之平而歸于有用其言明且清矣

謙齋老去填詞吟安一字往往倚枕按拍竟至徹曉固知
惟狂若嗣宗乃爲至慎予自來合州與謙齋交改罷長吟
奚童相望兩人有同好也

合肥王氏詩徵者王清一甯世襲指揮死難建藥集詩一首明詩綜錄茂粹羽雛明諸生與湯若士同時脫胎集詩一首見廬江縣志召康熙優貢生豔雪樓集詩一首杏舒倚雲乾隆舉人官鬱林知州碎橐拾存一卷有沈著語跌宕語絲言如順治舉人黃州司李降裕州僉判年艸三卷詩筆奇崛尙近明末文翔鳳王季木一流網思齡順治進士與漁洋收仲唱酬官通政司參議貺鶴齋集二卷音節高亮寄託遙深舟泳思官太平知縣巴吟一卷朗吟近樂天綽又如順治舉人徽州教授夢游錄一卷情文相生四君爲昆季行絲子永閔祉仲諸生鹿柴詩鈔一卷不主故常長於風諭永閔子袁石倉康熙進士商河知縣冰翠堂

日六

三

集一卷語多名雋戛戛生新袁子元齡九餘爲謙齋高祖邑諸生守澤居遺墨一卷詩篇雅令江左風流袁季子元登嘯門貢生編藉圃漫吟一卷穎悟絕俗元齡子會芸馥馥軒小草一卷峭蒨中致有爽氣其弟會龍珠庭乾隆舉人謙齋曾祖菰圃偶存一卷岸昇俊拔吐弃凡語會龍子運咸受虛貢生謙齋之祖愛吾廬賸艸一卷氣韻沈雄乾嘉老輩中殊足名家爲謙齋詩學開先運咸子世溥育泉貢生咸豐初元薦舉孝廉方正謙齋父也小輞川詩橐一卷氣盛言宏具體浣花身丁兵革杭槩戎馬間詠歌奇桀成一家言名父之子如頌有環宜謙齋之大昌於詩也青浦金蘭生藏舊拓大達法師碑虛和勁逸筆轉氣靈絕

非近本槁木形骸誠懸得力在篆所謂銀鉤鐵畫皆與少溫怡亭三墳諸刻默默相通非此佳楊幾使印泥畫沙之妙埋沒庸手羶蠟中枯瘠不復有生氣非古人之不幸與十月初見劉叔孔所藏皇甫府君多寶佛塔二碑舊拓歐碑清勁較近拓多百餘字鄰人爲之罷社尙完好可瑤也顏碑尙不逮子篋中之萬厯年拓本類記于此

歲除風日晴爽冰未全融迎春東郊昌丰和樂衣冠莊泣七拜句芒下考自書中年漸老春風被物白日盟心無薄宦之世情有故山之招我箸書惟有論癡懷古真成頑鈍拙猶可守俗豈能除一物推排于士林人海居然老矣亦可以自暑幸民敢云儒吏乎乙酉

日六

三

閱盱眙王子和蟻廬詩鈔清逸有骨淮上名家也閱山友尹杏農心白日齋集文筆健舉敘事有法詩篇闕放不局趣所少者精詣耳固當頡頏朱 伯韓 孔 賓 丁巳戊午間游燕之作大都接軫彼此多散佚願祠屏幀二十餘人手書不知尙在人間否張幼亭篋中有朱緒曾述之續北山集寫本說經三十篇大旨宗後鄭有在武丁孫子解引湯孫爲句例其魚魴鯉釋鯉鯉同字昆窮足爲確證說不濡其翼致慨汗澤之得食小人之在位抑揚盡致文有義法可傳也

張藹卿貽我朔方備乘何秋濤願船箸精研輿地堅礪可信獻書 乙覽復至廢隊僅而後傳緒帛一過體勢閱整

論以私家著述尚有可合併者圖方精密固是何氏專門
赴瀏河輿中閱西青散記例次蕭寥覺人游簪笏叢中神
魂不決意識不親

將去台肥諸君餞于遺園藤陰薄醉春雨如絲悵悵檐花
數吟春酌古懷離緒遲暮徘徊矣登舟日夜冠走送大雨
沾塗晚晴客散行人黯然泛宅浮家頻年習慣鷗鳥騰笑
夕陽無言

舟中閱新序以箸述當諫書皆與封事相發董生所謂陳
古以刺今

閱篆文六經縮印官本結體多譌偏旁妄配有同虛造又
體類石經義取同文參錯處尤不倫周官寫人較精審

日六
閱洪子齡淳則齋駢文家學不隊韻味少減

桐城方氏七世遺書後人昌翰宗屏輯屬子校正舟行風
雨滯淫乃得卒業 方學漸達卿性善釋庸言各一卷東
游記三卷侍御東林魁宿年輩在高景逸顧涇陽之前是
時姚江末流昌披蔓衍東林出而支離漸掃持守漸嚴方
氏之學多證本體廓予悟途徑正而軌轍可循溫然其辭
不蹈語錄繇鄙之習立朝風節亦高可謂儒有體用也
方大鎮魯嶽方氏所稱文孝公也甯澹居奏議持福藩賜
地四萬頃事鉅鉅于柏府巡鹽時論白糧水腳之弊甚詳
盡甯澹語二卷其講學之言也子潛夫跋則稱今語萬歷
季年王學極弊儒者多有切己近理之言粹語錄存人知

室西北隅之爲屋漏不知妻孥臧獲之爲眞屋漏也又不
知大廷廣眾之爲眞屋漏也 一與學人語而必存一段祕
密不冝洩露之意此機鋒金鍼之說也孔門無此教法

講學既久氣質自化今日屋漏既從容而自得異日彌留
亦可卜逍遙而無憾矣 三 居易之居兼行言行險之行兼

居言 四 學以充其資之所近學以克其性之所偏 五 戰國
策皆狙詐之言然必本諸大義顯別是非必揣諸事情譏

切利害身爲儒者言或不近情亦或不近義又在戰國
諸人下矣 六 驕語巖穴而不能兼善侈談經濟而不能獨

善非學也 七 澹甯齋遺文一卷語皆純樸不事深言棘句
尙非明季佻諺之文 方孔炤潛夫芻蕘小言似擬稟未

日六
奏上者語中當時之弊明末章疏多冗蔓葛張似此篇已

爲安詳不躁矣西庫隨筆記一時詔獄之冤漢唐以來所
無知生答問獄中從黃石齋氏論學可謂定識定力有夏
侯黃霸之風者矣職方舊艸前後兩任當璫禍之盛力持
正論而舉發林之蔭行賄可謂言行相顧然因此見明代
吏兵曹司寵賂滋章而寄以推用文武之權國烏得不亡
撫楚奏艸公牘獻賊撫而復叛路人知之撫臣苦口陳言
苦心布置終歸灰敗三百年後猶爲腐心流賊撫局最不
可恃近世川楚之勦可師豫捻之撫終不可爲訓也 方
張登午莊緒堂文集十篇可當絜靜之目 方以智密之
嚮言一卷當成于甲申乙酉有爲燕京言者有爲南都言